

մարմինն Աւետարանչին Մարկոսի 'ի ներ-
քոյ սեան միոյ, և սկսեալ շինեաց զեկեղե-
ցին, և անդ եղ զմարմինն 'ի Վ Էնէտիկ: Ի
սորին իշխանութեանն գնացին Բիզանքն
Ղ'էնվէզքն և Վ Էնէցիանքն և թափեցին
զսուրբ աշխարհն 'ի ձեռաց բարբարոսաց,
նաև զՎեսարիա Պալատինոյ, և իբրև ա-
ռին զՎեսարիա, երիս բաժինս արարին,
Վ Էնեցեանքն առին զփարթամութիւն և
և զինչս քաղաքին, Բիզանքն առին զքա-
ղաքն և զՊարոնութիւն քաղաքին, Ղ'էն-
վէզքն առին զմի թաս կանանչ զմրուխտ
միափերթի՝ զոր գտին 'ի նոյն քաղաքն, որ
ոչ գտին նման նմին 'ի մէջ աշխարհի, և
տարան յաշխարհն իւրեանց:

Հռիզուս չորրորդ՝ որդի Հռիզուսի՝ ըս-
կսաւ յամի Տեառն ՌՂՆ. ինքնակալեալ
ամս ԺԿ: Սա 'ի կենդանութեան հօր իւ-
րում էառ զՎայսերութիւն, և կալեալ
զհայրն իւր՝ եղ 'ի բանտի՝ մինչև մեռաւ: